



Pou Biblikasyon Imedya: 13/12/2022

GOUVÈNÈ KATHY HOCHUL

GOUVÈNÈ HOCHUL ANONSE 25 MILYON DOLA NAN AMELYORASYON NAN SIT ISTORIK ETA OLANA

Nouvo sant oryantasyon patenarya publik/prive pou amelyore eksperyans vizitè

*Gen ladan gwo pwojè penti, yon novo enstalasyon antretyen oryantasyon,
amelyorasyon jeneral sou sit la*

Reprezantasyon grafik lan disponib [isit la](#)

Gouvènè Kathy Hochul te anonse jodi a Sit Istorik Eta Olana (Olana State Historic Site) pral pase pa gwo pwojè kapital ak amelyorasyon sou sit la pandan de ane k ap vini yo, ki gen ladan konstriksyon Sant Frederic Church pou Atizay ak Peyizaj (Frederic Church Center for Art and Landscape), yon novo etablisman pou debit an oryantasyon nan sit istorik la nan Hudson, Konte Columbia. Sant Frederic Church (Frederic Church Center) la, ki fèt yon fason dirab ak elektrik pral tounen yon pòtay pou tout vizitè yo nan Sit Istorik Eta Olana epi li se yon pwojè fa pou yon envestisman 25 milyon dola nan sit la.

"Nouvo pwojè yo pral bati sou eritaj Olana - konsepsyon kay vizyonè, atelye ak peyizaje atis Frederic Church ak fanmi li", **Gouvènè Hochul te deklare**. "Sant Frederic Church la pral ajoute sou twal sa a epi ede akeyi kliyan yo nan youn nan kote ki pi bèl nan Eta New York".

"Avèk 25 milyon dola sa yo nan amelyorasyon, Olana pral akeyi vizitè ki soti nan ak deyò eta nou an ankò pou yo pwofite panorama mayifik ak pwogram edikasyon yo", **Gouvènè Adjwen Delgado te deklare**. "Mèsi ak angajman tout moun nan patenarya sa a epi nou envite tout moun vin redekouvri Olana".

Bilding lan pral gen ladan yon gwo sal antre pou tikè ak oryantasyon, yon kafe, twalèt, ak yon sal plizyè fonksyon ki sou kote teras deyò ak chemen ki konekte ak rezo wout istorik Olana, ki fè tout 205 ekta tè nan peyizaj istorik la tounen yon pati entegral nan entèpretasyon publik la. Kòm pwen prensipal antre pou yon Moniman Istorik Nasyonal ak Sit Istorik Eta New York ki atire plis pase 200,000 vizitè chak ane, Sant Frederic Church la pral bay yon demonstrasyon ki trè vizib, aksesib publikman nan konsepsyon dirab ak konstriksyon net nan kabòn.

Olana se te kay, atelye ak peyizaj ki konsevwa nan 19yèm syèk atis Frederic Edwin Church Hudson River School nan Hudson. Gwo pwojè sa yo se rezulta Plan Konsepsyon Peyizaj Estratejik ki te genyen prim ki te devlope an 2015 ant Pak Eta New York, The Olana Partnership, LA Group, ak Nelson, Byrd Wolz Landscape Architects. Plan an te resevwa Prim Onè Nasyonal 2017 pou analiz ak planifikasyon nan men Sosyete Ameriken pou Achitèk Peyizajis (American Society of Landscape Architects).

Komisè Pak Eta New York la, Erik Kulleseid, te deklare, "Yon nouvo sit oryantasyon espektakilè epi ki laj pral akeyi plis pase 200,000 vizitè anyèl Olana yo anvan yo jwi teren kote yo ka mache, fè randone, piknik, pentire, fè foto ak reve jan fanmi Church te fè sa plizyè syèk de sa. Nou rekonesan pou koneksyon nou avèk The Olana Partnership, ajans eta k ap kolabore yo ak sibvansyon 1 milyon dola pou Pwogram Enstalasyon Eta ak Minisipal ke Manm Asanble Didi Barrett te sekirize pou sipòte Sit Istorik Eta Olana".

Doktè Sean Sawyer, ki soti nan Washburn ak Susan Oberwager ki se Prezidan The Olana Partnership a, te deklare, "Sa gen senkant sis ane, sitwayen prive ak Eta New York te mete tèt yo ansanm pou sove Olana anba destriksyon. Nan deseni k ap vini yo, patenarya piblik-prive Olana te tounen yon egzanplè nasyonal pou jesyon plas piblik yo. Jodi a, The Olana Partnership kontan anpil pou I make pwochen chapit briyan nan istwa Olana, youn kote Eta New York te mete aksan sou angajman konsèy nou yo ak sipòtè nou yo pou fè vizyon konplè Frederic Church la parèt klè pou nouvo jenerasyon yo".

Lòt pwojè nan ane k ap vini an enkli: yon penti eksteryè konplè kay istorik la (1.5 milyon dola); konstriksyon yon enstalasyon antretyen modèn (6 milyon dola); reyabilitasyon yon baraj ak yon devèsman, nouvo zòn pakin ADA (Ameriken ki Gen Andikap), limyè syèl nwa ak espès plant natif natal (2 milyon dola).

Vis Prezidan Empire State Development ak Direktè Egzekitif Touris la, Ross D. Levi, te deklare, "Atravè pwogram Market New York, I LOVE NY sipòte pwojè touris rejyonal enpòtan tankou amelyorasyon nan Olana. Atraksyon inik Path Through History sa a ede rakonte istwa Hudson Valley a, epi li ajoute yon fason espektakilè nan tout sa ki gen pou wè ak fè nan rejyon an, soti nan kay istorik nan pak eskilti ak òf manje ak bwason eksepsyonèl. Amelyorasyon Olana yo pral transfòme eksperyans vizitè yo nan destinasyon obligatwa sa a ki akeyi envite ki soti toupatou nan mond lan".

Prezidan ak Direktè Egzekitif Jeneral Otorite Rechèch ak Developman Enèji Eta New York la, Doreen Harris, te deklare, "NYSERDA espere swiv pwogrè amelyorasyon nan sit Istorik Eta Olana a, ki pral sèvi kòm yon modèl pou konsepsyon pwòp ak fleksib ak enkòporasyon efikasite enèji ak karakteristik elektrifikasyon, enèji solè renouvlab pwòp ak rechaj machin elektrik pou yon anprent kabòn ki pi ba an jeneral. Pwojè sa a pral amelyore sa ki deja yon bèl jwayo nan kominate Hudson la pandan l ap bay benefis sante yon sit ki pi ekolojik nan pèspektiv vizitè yo ak antretyen nan koulis pou sipòte objektif Lwa Klima a pou redwi emisyon gaz a efè sè nan 85% disi

2050".

Senatè Eta New York, Daphne Jordan, te deklare, "Sit Istorik Eta Olana se yon mèvèy achitekti, kiltirèl ak atistik. Li prèske enposib pou egzajere kijan nou gen chans pou nou gen trezò nasyonal sa a aksesib konsa pou kominate lokal nou yo. Chak fwa mwen te vizite Olana mwen te tounen enspire, mwen te aprann yon bagay nouvo epi avèk yon apresyasyon pi pwofon pou jeni, talan, ak vizyon san parèy Frederic Church. Olana se youn nan vrè pyè angilè kilti Ameriken yo epi mwen kontan wè pwojè amelyorasyon kapital 25 milyon dola vanse, espesyalman konstriksyon Sant Frederic Church la. Kredi pou Gouvènè Hochul ak Komisè Pak Eta Kulleseid pou fè avanse inisyativ sa a epi pou toujou fè sit istorik ak pak Eta nou yo tounen yon priyore piblik. Mwen pa ka tann pou m retounen epi fè eksperyans pwojè ki fini ak anpil nouvo adisyon bèl bagay nan Olana, ki se yon trezò otantik pou Hudson Valley nou an, Rejyon Kapital nou an, ak tout eta a".

Manm Asanble Didi Barrett te deklare, "Olana, jwayo kouwòn Hudson Valley a, se yon mèk pou moun ki renmen boza Ameriken, gwo achitekti, randone sansasyonèl ak panoramik ki mayifik. Nouvo Sant Vizitè Frederic Church la pral prezante vizitè yo nonm ki dèyè moniman istorik la, yon pent, achitèk, kiltivatè ak aktivis sosyal 19yèm syèk la ke eritaj li rete byen nan 21yèm syèk la. Dènyèman, mwen te kontan jwenn yon sibvansyon lejislatif 1 milyon dola pou ede sipòte konstriksyon nouvo sant vizitè sa a ki pa gen kabòn epi mwen remèsye Gouvènè Kathy Hochul pou apresyasyon fèm li pou Olana ak rekonesans li sou enpak ekonomik li sou rejyon nou an ak nan eta a".

Majistra Kamal Johnson te deklare, "Mwen vle remèsye Gouvènè Hochul paske li rekonèt Sit Istorik Eta Olana kòm mèvèy achitekti ak kiltirèl li ye. Nouvo Sant Vizitè Frederic Church la, ki pa gen kabòn, pral yon entwodiksyon pafè nan rejyon an pou vizitè yo epi raple moun nan lokalite a poukisa yo renmen rele Hudson Valley lakay yo. Mwen pa ka tann pou m jwi sit renouvre a ak tout sa Olana gen pou ofri lè pwojè a fini".

TOP te ranmase apeprè 10 milyon dola nan don prive ak sibvansyon ki gen ladan yon Sibvansyon Touris Rejyonal Market NY Empire State Development 1.4 milyon dola ak 1.8 milyon dola kòm sipò Pwogram Sibvansyon Devlopman Ekonomik Kominote Net an Kabòn Otorite Rechèch ak Devlopman Enèji Eta New York (New York State Energy Research and Development Authority, NYSERDA).

Konsepsyon nouvo Sant Frederic Church la gen yon apwòch sistèm bilding antye pou reyalize yon enpak anviwònman ki ba ak konsomasyon enèji redwi ak antretyen minim. Li pral elaji tou kapasite vizitè Olana nan sèvi kòm yon baz pou pwogram entèpretasyon nan tout sit la ak itilizasyon rekreyatif. Konstriksyon an prevwa kòmanse nan prentan 2023 avèk yon dat ouvèti nan prentan 2024. Pral gen yon eleman solè ki poko fèt.

Pou konplete Sant Frederic Church ak operasyon etablisman an, konsepsyon deja kòmanse sou agrandisman ak amelyorasyon bilding antretyen Olana ki egziste deja. Bilding lan pral gen nouvo fonksyon tankou ekipman elektrik ak estasyon rechaj veiykil ak enstalasyon pou anplwaye ki amelyore. Amelyorasyon sit la pral gen ladan pi bon

sikilasyon nan ak alantou zòn antretyen an ak dispozisyon pou amelyore ekipman ak enstalasyon depo materyèl. Faz sa a gen yon objektif pou l fini nan fen 2024.

Pwojè a gen ladan tou repentire eksteryè Olana an 2023 ki gen ladan fenèt, pòt, galri ak kònich dekoratif. Restorasyon limite travay bwa ak rediksyon amyant nan vitraj fenèt yo pral fè pati pwojè a tou.

Anplis de sa, amelyorasyon nan Konplèks Fèm Istorik la ankou, demenaje yon zòn pakin tanporè nan konplèks fèm lan pou retabli jaden kwizin istorik prèske mwatye ekta, amelyore ekleraj, kreye pakin ADA toupre Cozy Cottage, epi repare baraj la ak devèsman nan lak la.

Biwo Pak, Lwazi ak Prezèvasyon Istorik Eta New York la sipèvize plis pase 250 pak, sit istorik, sante rekreyatif, tèren gòlf, ansman bato ak plis ankò, ki te vizite pa plis pase 78 milyon moun chak ane. Pou plis enfòmasyon sou nenpòt nan zòn lwazi sa yo, vizite www.parks.ny.gov, telechaje aplikasyon mobil gratis [NY State Parks Explorer](#) a oswa rele [518.474.0456](tel:518.474.0456). Epitou, konekte sou [Facebook](#), [Instagram](#) ak [Twitter](#).

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418